

Na temelju člana 26. stav 1. Zakona o srednjoj školi (Službene novine Srednjobosanskog kantona broj 11/01; Službene novine Srednjobosanskog kantona broj 17/04 i 15/12), Ministarstvo obrazovanja, nauke, mladih, kulture i sporta Srednjobosanskog kantona (u daljnjem tekstu: Ministarstvo) donosi

IZMJENE I D O P U N E
NASTAVNOG PLANA I PROGRAMA
NA BOSANSKOM JEZIKU
ZA MATEMATIČKO-INFORMATIČKU GIMNAZIJU
U SREDNJOBOSANSKOM KANTONU

I.

Ovim Izmjenama i dopunama Nastavnog plana i programa za matematičko-informatičku gimnaziju (Rješenje o primjeni Nastavnog plana i programa za gimnazije za škole koje realiziraju nastavu na bosanskom jeziku br:01-38-529/14 od 5.5.2014.) **sadržajno se dopunjuje naslov** Uvod u matematičko - informatičku gimnaziju **i mijenja se** nastavni plan i program od I. do IV. razreda matematičko – informatičke gimnazije u kojima se nastavni proces realizira na bosanskom jeziku na području Srednjobosanskog kantona.

II.

Dopune Nastavnog plana i programa za matematičko-informatičku gimnaziju sadržajno upotpunjuju naslov Uvod u matematičko- informatičku gimnaziju u smislu uvođenja novih pojmovnih određenja i jasnije definiranje postojećih i to:

- **Kurikulum** predstavlja dokument kojim se definira društveni aspekt odgoja i obrazovanja. Kurikulum čine odgojni i obrazovni ciljevi i zadaci, nastavni plan, nastavni programi svih predmeta ili područja (kurikulum nastavnih predmeta), ishodi učenja, organizacijski aspekti i evaluacija.
- **Kurikulumom nastavnih predmeta (predmetni kurikulum)** određuju se svrha i ciljevi učenja i poučavanja nastavnog predmeta, struktura pojedinog predmeta u cijeloj odgojno-obrazovnoj vertikali, odgojno-obrazovni ishod i/ili sadržaji, pripadajuća razrada i opisi razina usvojenosti ishoda, učenje i poučavanje te vrednovanje u pojedinom nastavnom predmetu, te popis potrebnih kvalifikacija nastavnika (profil i stručna sprema) za izvođenje određenog predmetnog kurikuluma.
- **Nastavnim planom** određuje se oblik izvođenja kurikuluma (obavezno, izborno, fakultativno, međupredmetno i/ili interdisciplinarno), godišnji broj časova i njihov raspored po razredima. Nastavni plan može biti zajednički za razinu, odnosno vrstu na pojedinoj razini obrazovanja, te se može donijeti i uz kurikulum određenoga nastavnog predmeta.

III.

Izmjene Nastavnog plana i programa za matematičko-informatičku gimnaziju u Srednjobosanskom kantonu uključuju i dopune Nastavnog plana (predmetno-planske strukture) na način da se pored nastavnog predmeta Vjeronauka dodaje i nastavni predmet Etika koji se izučava u alternativi sa Islamskom vjeronaukom, a fond časova je jedan (1) čas sedmično.

IV.

Izmjene Nastavnog plana i programa za matematičko-informatičku gimnaziju (u daljnjem tekstu: Kurikuluma) odnose se na preuzimanje (Ustupanje predmetnih kurikuluma - saglasnost br: 10-34-7329/25 od 16.4.2025.) i donošenje kurikuluma za:

a) Nastavne predmete:

- Kurikulum nastavnog predmeta **Bosanski jezik i književnost** za gimnaziju
- Kurikulum nastavnog predmeta **Engleski jezik** za gimnaziju
- Kurikulum nastavnog predmeta **Njemački jezik** za gimnaziju
- Kurikulum nastavnog predmeta **Turski jezik** za gimnaziju
- Kurikulum nastavnog predmeta **Arapski jezik** za gimnaziju
- Kurikulum nastavnog predmeta **Latinski jezik** za gimnaziju
- Kurikulum nastavnog predmeta **Historija** za gimnaziju
- Kurikulum nastavnog predmeta **Geografija** za gimnaziju
- Kurikulum nastavnog predmeta **Filozofija** za gimnaziju
- Kurikulum nastavnog predmeta **Psihologija** za gimnaziju
- Kurikulum nastavnog predmeta **Logika** za gimnaziju
- Kurikulum nastavnog predmeta **Sociologija** za gimnaziju
- Kurikulum nastavnog predmeta **Matematika** za gimnaziju
- Kurikulum nastavnog predmeta **Odabrana područja iz matematike** za gimnaziju
- Kurikulum nastavnog predmeta **Fizika** za gimnaziju
- Kurikulum nastavnog predmeta **Hemija** za gimnaziju
- Kurikulum nastavnog predmeta **Biologija** za gimnaziju
- Kurikulum nastavnog predmeta **Informatika** za gimnaziju
- Kurikulum nastavnog predmeta **Likovna kultura** za gimnaziju
- Kurikulum nastavnog predmeta **Muzička kultura** za gimnaziju
- Kurikulum nastavnog predmeta **Tjelesni i zdravstveni odgoj** za gimnaziju
- Kurikulum nastavnog predmeta **Demokratija i ljudska prava** za gimnaziju
- Kurikulum nastavnog predmeta **Vjeronauka** za gimnaziju
- Kurikulum nastavnog predmeta **Etika** za gimnaziju

b) Ostali oblici odgojno-obrazovnog rada:

- Kurikulum Odgojni rad sa odjeljenskom zajednicom

V.

Kurikulumi nastavnih predmeta (predmetni kurikulum) iz tačke III. ovih Izmjena i dopuna sastavni su dio ovih Izmjena i dopuna i isti će biti objavljeni na web stranici Ministarstva www.mozks-ksb.ba.

VI.

Ove Izmjene i dopune stupaju na snagu danom donošenja i objavit će se u Službenim novinama Srednjobosanskog kantona, a primjenjuju se od školske 2025./2026. godine.

Broj: 03-34-1112/2025
Travnik, 7. 8. 2025. godine



MINISTAR

Bojan Domić